



SLUŽBENI GLASNIK

OPĆINE ZAVIDOVIĆI

Broj: **6** Datum: **3.6.2002.**

IZDAVAČ: Služba općinskog vijeća, općinskog načelnika i službi za upravu
REDAKCIJSKI KOLEGIJ: KATARDŽIĆ Hajrudin - Odgovorni urednik
DERZIĆ Mirsad, član
ČAMDŽIĆ Redžep, član

- 151 -

I – AKTI OPĆINSKOG VIJEĆA

Na osnovu člana 9. stav 1. tačka 13. i člana 22. stav 1. tačka 2. Zakona o lokalnoj samoupravi ("Službene novine ZE-DO kantona", broj 13/98), člana 12. Zakona o javnom redu i miru ("Službene novine ZE-DO kantona", broj: 8/00) i člana 55. Statuta općine Zavidovići ("Službeni glasnik općine Zavidovići", broj 3/2002-prečišćeni tekst), Općinsko vijeće Zavidovići na 30. sjednici održanoj 31.5.2002.godine, d o n o s i

O D L U K U
o radnom vremenu u određenim
djelatnostima na području općine
Zavidovići

I – OPĆE ODREDBE**Član 1.**

Odlukom o radnom vremenu u određenim djelatnostima na području općine Zavidovići (u daljem tekstu: Odluka) utvrđuje se raspon u kome pravna i fizička lica u pojedinim djelatnostima utvrđuju svoje radno vrijeme.

Član 2.

Početak i završetak radnog vremena u kojem će raditi pojedini objekti pravnih i fizičkih lica utvrdit će se u okviru radnog vremena predviđenog ovom Odlukom, s tim da ne može biti kraće od 40 sati sedmično.

Član 3.

Sva pravna i fizička lica obavezna su na ulazu istaknuti radno vrijeme objekta, pridržavati se istaknutog radnog vremena, te organizovati svoje radno vrijeme bez prekida za korištenje dnevnog odmora-pauze.

II – RADNO VRIJEME U POJEDINIM DJELATNOSTIMA**Član 4.**

Početak i završetak radnog vremena u oblasti trgovine može se utvrditi u vremenu od 6:00 do 22:00 sata svakim danom, osim u maloprodajnim objektima vrste: Dragstor i Benzinska pumpna stanica gdje radno vrijeme može trajati od 0:00 do 24:00 sata.

Član 5.

Početak i završetak radnog vremena u oblasti ugostiteljstva može se utvrditi kako slijedi:

- Ugostiteljski objekti za smještaj gostiju (samo smještajni kapaciteti ovih objekata) i objekti brze prehrane (Fast-Food) od 0:00 do 24:00 sata,
- Ugostiteljski objekti vrste: Bar (noćni klub), Noćni bar, Disko klub i Disko bar od 6:00 do 2:00 sata,
- Ostali ugostiteljski objekti od 6:00 do 24:00 sata.

- 152 -

Član 6.

Odobrenje o produženom radnom vremenu ugostiteljskih objekata koji povremeno organizuju prigodne proslave, koncerte i sl. na obrazloženi pismeni zahtjev ugostitelja, izdaje nadležni općinski organ.

Buka muzike i gostiju ispred i unutar objekta nesmije narušavati kućni mir građana i rad drugih poslovnih objekata.

Član 7.

Pravna i fizička lica koja se bave proizvodnim i uslužnim djelatnostima svoje radno vrijeme utvrđuju u skladu sa općim odredbama ove odluke, te u skladu sa odredbom Zakona o radu.

Član 8.

Pravna i fizička lica u oblasti saobraćaja, bankarstva, PTT usluga, obrazovanja i vaspitanja, zdravstva i lokalne uprave utvrđuju radno vrijeme samostalno u skladu sa zakonom i propisima donesenih na osnovu zakona.

Član 9.

Odredbe ove odluke ne primjenjuju se na radno vrijeme u ugostiteljskim objektima zatvorenog tipa (radnički restorani, interni bifei i sl.), te na pekarsku djelatnost, osim u dijelu koji se odnosi na sedmično radno vrijeme.

III – NADZOR NAD PROVOĐENJEM OVE ODLUKE

Član 10.

Nadzor nad provođenjem odredaba ove odluke vršit će nadležni inspekcijski organi i organi Policijske uprave Zavidovići (javni red i mir).

IV – KAZNENE ODREDBE

Član 11.

Novčanom kaznom od 200 do 800 KM kaznit će se pravno i fizičko lice:

- ako odredi radno vrijeme suprotno odredbama ove odluke (član 4. i 5.),
- ako se ne pridržava radnog vremena navedenog u istaknutoj obavijesti o radnom vremenu (član 3.),
- ako ne istakne rano vrijeme (član 3.),
- ako postupi suprotno odredbi člana 6. stav 2. ove odluke.

Za prekršaje iz stava 1. ovog člana kaznit će se i odgovorno lice u pravnom licu novčanom kaznom u iznosu od 50 do 100 KM.

V – PRELAZNE I ZAVRŠNE ODREDBE**Član 12.**

Pravna i fizička lica dužna su uskladiti radno vrijeme svojih objekata sa odredbama ove odluke u roku od 8 dana od njenog stupanja na snagu.

Član 13.

Stupanjem na snagu ove odluke prestaje da važi Odluka o radnom vremenu uslužnih djelatnosti ("Službeni glasnik općine Zavidovići", broj 9/97)

Član 14.

Ova odluka stupa na snagu narednog dana po objavljivanju u "Službenom glasniku općine Zavidovići".

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Fuad Berberović, s.r.

Broj: 01-34-376
Datum, 31.5.2002.godine

- 154 -

Na osnovu člana 100 i 104. Zakona o prostornom uređenju ("Službeni list SR BiH", broj 9/87, 23/88, 24/89, 10/90, 14/90, 15/90 i 14/91) i ("Službeni list R BiH", broj 25/94 i 33/94) i člana 55. Statuta općine Zavidovići ("Službeni glasnik općine Zavidovići", broj 3/2002-prečišćeni tekst), Općinsko vijeće Zavidovići na svojoj 30. sjednici održanoj 31.5.2002.godine, donijelo je

O D L U K U

o pristupanju izmjenama i dopunama Urbanističkog plana grada Zavidovića

Član 1.

Pristupa se izmjenama i dopunama Urbanističkog plana grada Zavidovića ("Službeni glasnik općine Zavidovići", broj: 9/89, 4/90 i 2/01).

Član 2.

Izmjene i dopune urbanističkog plana obuhvatit će se postojeće urbano područje grada i područja za koja se donese stručna procjena da su već intenzivno izgrađena ili se mogu planirati kao područja na kojima će se moći intenzivirati gradnja, a nisu obuhvaćena urbanim područjem grada Zavidovića.

Član 3.

Izmjene i dopune Urbanističkog plana donose se za period od 5 godina.

Član 4.

Izmjene i dopune Urbanističkog plana izvršit će se u roku od najviše šest mjeseci od dana stupanja na snagu ove odluke.

Član 5.

Sredstva za izmjene i dopune Urbanističkog plana grada Zavidovića obezbjedit će se iz Budžeta općine Zavidovići za 2002. i 2003.godinu.

Član 6.

Za nosioca pripreme izmjena i dopuna Urbanističkog plana određuje se Općinski načelnik, Služba za upravu privrednih djelatnosti, Služba za upravu geodetskih i imovinsko pravnih poslova i Komisija za urbanizam i prostorno uređenje, kao povremeno radno tijelo koju će imenovati posebnim rješenjem Općinsko vijeće.

Član 7.

Za nosioca izrade izmjena i dopuna Urbanističkog plana odredit će se najpovoljniji ponuđač putem pribavljanja pismenih ponuda.

- 155 -

Član 8.

Nosilac pripreme izmjena i dopuna Urbanističkog plana dužan je u toku izrade izmjena i dopuna plana obezbijediti saradnju i usaglašavanje stavova nadležnih organa, javnih preduzeća i ostalih činilaca koji učestvuju u procesu planiranja.

Član 9.

Nosilac pripreme izmjena i dopuna plana dužan je donijeti Program aktivnosti na provođenju javne rasprave i donošenju izmjena i dopuna Urbanističkog plana.

Član 10.

Ova odluka stupa na snagu osmog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-23-1162
Dana, 31.5.2002.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 78.stav 3. Zakona o prostornom uređenju ("Službeni list SR BiH", broj 9/87, 23/88, 24/89, 10/90 i 14/91) i ("Službeni list R BiH", broj 25/94 i 33/94) i člana 55. Statuta općine Zavidovići ("Službeni glasnik općine Zavidovići", broj 3/2002-prečišćeni tekst), Općinsko vijeće Zavidovići na 30.sjednici održanoj 31.5. 2002.godine, d o n i j e l o j e

O D L U K U

o utvrđivanju posebnih područja

Član 1.

Posebnim područjem na teritoriji općine Zavidovići utvrđuju se lokaliteti: područje naselja Kamenica i područje naselja Maoča.

Član 2.

Sve elemente od značaja za pripremu, izradu i donošenje prostornog plana, posebnog područja utvrđuje Komisija za prostorno uređenje i urbanizam.

Član 3.

Ova Odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj 01-23-1163
Dana, 31.5.2002.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 35. i 55. Statuta općine Zavidovići («Službeni glasnik općine Zavidovići», broj 3/2002-prečišćeni tekst), Općinsko vijeće Zavidovići na 30. sjednici od 31.5.2002. godine, donijelo je

O D L U K U

o zakazivanju zbora građana i raspisivanju izbora za Savjet Mjesne zajednice «Dolac»

Član 1.

Zakazuje se zbor građana i raspisuju izbori za Savjet Mjesne zajednice «Dolac» općina Zavidovići, koji će se održati dana 15.6.2002.godine.

Član 2.

U slučaju da zbor građana i izbori za članove Savjeta Mjesne zajednice «Dolac» iz objektivnih razloga ne budu održani, Radno predsjedništvo za provođenje izbora u Mjesnoj zajednici utvrdit će novi termin održavanja zbora građana i izbora članova Savjeta, a najkasnije u roku od 15 dana od posljednjeg dana iz prethodnog člana.

Član 3.

Građani koji žive na području Mjesne zajednice «Dolac», a koji imaju opće biračko pravo, na zboru građana biraju članove Savjeta Mjesne zajednice «Dolac» javnim glasanjem.

Član 4.

Satnicu i mjesto održavanja zbora građana utvrdit će Radno predsjedništvo za sprovođenje izbora.

Član 5.

Općinsko vijeće posebnim rješenjem će imenovati članove Radnog predsjedništva za sprovođenje izbora u Mjesnoj zajednici «Dolac».

Član 6.

Ova odluka stupa na snagu danom donošenja, a objavit će se u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-05-795
Datum, 31.5.2002.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 5. Odluke o zakazivanju zbora građana i raspisivanju izbora za Savjet Mjesne zajednice («Službeni glasnik općine Zavidovići», broj 6/2002) i člana 55. Statuta općine Zavidovići («Službeni glasnik općine Zavidovići», broj 3/2002-prečišćeni tekst), Općinsko vijeće Zavidovići na 30. sjednici od 31.5.2002. godine, donijelo je

R J E Š E N J E

o imenovanju članova Radnog predsjedništva za sprovođenje izbora u Mjesnoj zajednici «Dolac»

I

Ovim rješenjem imenuju se članovi Radnog predsjedništva za sprovođenje izbora za članove savjeta Mjesne zajednice «Dolac» koji će se održati dana 15.6.2002.godine.

Za sprovođenje izbora u Mjesnoj zajednici «Dolac» za članove Radnog predsjedništva imenuju se:

1. ARSENOVIĆ MIRKO – predsjednik, ispred Zbora građana,
2. ILIĆ RATKO – član, ispred Zbora građana,
3. PETRUŠIĆ RADOVAN – član, ispred Zbora građana,

II

U slučaju spriječenosti iz opravdanih razloga (bolest i sl.), nekog od članova Radnog predsjedništva, zamjenu istog izvršit će predsjednik Radnog predsjedništva na zboru građana.

III

Ovo rješenje stupa na snagu odmah.

OPĆINA ZAVIDOVIĆI
- OPĆINSKO VIJEĆE -

Broj: 01-05-794
Datum, 31.5.2002.godine

PREDSJEDAVAJUĆI
OPĆINSKOG VIJEĆA

Fuad Berberović, s.r.

Na osnovu člana 114. i 115. Poslovnika Općinskog vijeća Zavidovići ("Službeni glasnik općine Zavidovići", broj 3/2002-PREČIŠĆENI TEKST), Općinsko vijeće Zavidovići na 29. sjednici od 15.5.2002.godine, razmotrilo je Prijedlog zaključka Komisije za statut i propise po zahtjevu Preduzeća «EMMI-7» D.O.O. Zavidovići, pa nakon rasprave usvojilo je

ZAKLJUČAK

1. Općinsko vijeće Zavidovići smatra da se zahtjev «EMMI-7» D.O.O. Zavidovići, ulica Prvomajska 5/3, broj 03/02 od 12.4.2002.godine, koji je upućen predsjedavajućem Općinskog vijeća, kao inicijativa može razmatrati samo u dijelu koji se odnosi na izgrađenu zgradu, a shodno članu 66. Zakona o građevinskom zemljištu.

Općinsko vijeće Zavidovići nalaže Općinskom načelniku da u skladu sa zahtjevom «EMMI-7» D.O.O. Zavidovići i članom 66. Zakona o građevinskom zemljištu, pripremi prijedlog rješenja i dostavi Općinskom vijeću na narednu sjednicu Općinskog vijeća na razmatranje i usvajanje.

2. Ukidanjem statusa javnog dobra na parcelama k.č.broj 1695/5; 1695/6; 1695/8 i 1695/9, a u skladu sa zahtjevom «EMMI-7» D.O.O. Zavidovići i članom 66. Zakona o građevinskom zemljištu pripremiti prijedlog rješenja o utvrđivanju trajnog prava korištenja zemljišta i dostaviti ga Općinskom vijeću na razmatranje i usvajanje u skladu sa konačnim rješenjem Federalne uprave za geodetske i imovinsko-pravne poslove broj 05-31-3-821/01 od 25.12.2002.godine.

3. Zaključak stupa na snagu danom usvajanja, o čemu će se starati Služba Općinskog vijeća, Općinskog načelnika i službi za upravu.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-31-962
Datum, 15.05.2002.godine

Fuad Berberović, s.r.

Na osnovu člana 3. i 61. stav 4. Poslovnika Općinskog vijeća Zavidovići ("Službeni glasnik općine Zavidovići", broj 3/2002-Prečišćeni tekst), Općinsko vijeće Zavidovići na 29.sjednici od 15.05.2002. godine, donijelo je

Z A K L J U Č A K

o primjeni člana 60. i 61. Poslovnika Općinskog vijeća Zavidovići

1.Vrijeme trajanja izlaganja vijećnika i drugih učesnika na sjednici Vijeća iznosi najviše do 10 minuta po istoj tački dnevnog reda.

2.Vrijećnik ili drugi učesnik na sjednici Vijeća po istoj tački dnevnog reda može govoriti najviše dva puta.

3.Vijećnik ili drugi učesnik na sjednici vijeća ima pravo na repliku najviše dva puta po istoj tački dnevnog reda.

4.Zaključak stupa na snagu danom usvajanja i objavit će se u "Službenom glasniku općine Zavidovići".

5.Zaključak važi do izmjene Poslovnika Općinskog vijeća Zavidovići ili stavljanja van snage.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-1188
Datum, 15.05.2002.godine

Fuad Berberović, s.r.

Općinsko vijeće Zavidovići u obnovi postupka po službenoj dužnosti po Rješenju ovog organa br. 01-31-2461 od 24.07.2001. godine u predmetu dodjele neizgrađenog gradskog građevinskog zemljišta na korišćenje radi građenja na lokalitetu "Vučjak", na osnovu člana 247. stav 1. i 252. stav.2. Zakona o upravnom postupku ("Službene novine FBiH", broj: 2/98 i 48/99), na svojoj 26 sjednici održanoj 28.02.2002. godine, donijelo je

RJEŠENJE

1. Po službenoj dužnosti obnavlja se postupak okončan rješenjem Općinskog vijeća Zavidovići br. 01-31-2461, od 24.07.2001. godine tako što se ovo rješenje poništava.

Obrazloženje

Rješenjem Općinskog vijeća Zavidovići broj: 01-31-2461, od 24.07.2001. godine u tački 1. dispozitiva, Ahmić (Nezir) Hazbi iz Zavidovića je dodjeljeno neizgrađeno gradsko građevinsko zemljište na korištenje radi građenja porodične stambene zgrade na parceli označenoj sa k.č. br. 6/96, zv. "Vučjak" po kulturi livada 1. klase pov. 558 m², upisanoj u p.l. br. 821. k.o. Potkleče.

Povodom dostavljenog prijedloga komisije za provođenje konkursa za dodjelu neizgrađenog gradskog građevinskog zemljišta radi građenja od 11.01.2001. godine kojim je tražila da se poništi rješenje o dodjeli građevinskog zemljišta Ahmić Hazbi iz Zavidovića iz razloga što je naknadno utvrđeno da ne ispunjava uslove iz konkursa, odnosno člana 25 a. st. 3. Odluke o građevinskom zemljištu. Po službenoj dužnosti je izvršena provjera prethodno pomenute obavijesti, odnosno prijedloga konkursne komisije, i utvrđena njena osnovanost iz sljedećih razloga:

- konkurs za dodjelu neizgrađenog gradskog građevinskog zemljišta na korišćenje radi građenja porodičnih zgrada na lokalitetu Vučjak, broj: 01/1-31-717 je objavljen dana 15.03.2001. godine.
- Ahmić Hazba je prilikom bodovanja po kriterijima citiranog konkursa greškom svrstana pod tačku 1. stavka "Stambene prilike" umjesto tačke 2. pa je time dobila 100, umjesto 50 bodova, čime je stekla uslove za dodjelu neizgrađenog gradskog građevinskog zemljišta na korišćenje radi građenja.
- Do greške iz prethodne alineje je došlo iz razloga što je prilikom bodovanja, imenovane učesnice konkursa, napravljen previd kod pregleda dokumentacije priložene uz prijavu na konkurs gdje nije uzeta u obzir potvrda Službe za privredne djelatnosti broj: 03-23-1378, od 25.04.2001. godine kojom je potvrđeno da je Ahmić Hazba kao nosilac stanarskog prava preseljena u garsonjeru u Naselju "Branilaca grada II" br. 6. pov. 17 m². Zanimarivanjem gornje činjenice Ahmić Hazba kao učesnik konkursa je bodovana sa 50 bodova više.

Polazeći od novog činjeničnog stanja, Općinsko vijeće Zavidovići smatra se nadležnim za rješenje u obnovi postupka po službenoj dužnosti na osnovu člana 247. stav 1. i 252. stav 2. ZUP-a.

Iz uporedbe ranijeg i novog činjeničnog stanja ovo vijeće nalazi da je ispunjen uslov za obnovu postupka iz člana 246. tačka 1. ZUP-a s obzirom na izvjesnost da je novi dokaz bio upotrebljen u vrijeme prvog rješavanja, stvar bi bila drugačije riješena, pa je odlučeno kao u dispozitivu rješenja.

Protiv ovog rješenja ne može se izjaviti žalba ali se može pokrenuti upravni spor podnošenjem tužbe Kantonalnom sudu u Zenici u roku od 30 dana od prijema ovog rješenja.

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Fuad Berberović, s.r.

Broj: 01-31-317

Dana: 28.02.2002.godine

Na osnovu člana 107. Poslovnika Općinskog vijeća Zavidovići («Službeni glasnik općine Zavidovići», broj 3/2002-prečišćeni tekst), a na prijedlog Službe za upravu geodetskih i imovinsko-pravnih poslova, sekretar Općinskog vijeća Zavidovići izvršio je spravljanje teksta Rješenja Općinskog vijeća broj 01-31-3607 od 30.08.2001.godine o utvrđivanju trajnog prava korištenja zemljišta u korist Preduzeća GTP «Karming» iz Zavidovića («Službeni glasnik općine Zavidovići», broj 14/2001) pa donosi

I S P R A V K U

Rješenja Općinskog vijeća broj 01-31-3607 od 30.08.2001.godine o utvrđivanju trajnog prava korištenja zemljišta u korist Preduzeća GTP «KARMING» iz Zavidovića

I

U tački 1. Rješenja o utvrđivanju trajnog prava korištenja zemljišta u korist Preduzeća GTP «Karming» iz Zavidovića («Službeni glasnik općine Zavidovići», broj 14/2001), broj «7240 m²» zamjenjuje se brojem «7274 m²», upisana u P.L. 1097, K.O. Mustajbašići..

Dakle, postoji neslaganje u podacima o površini parcele označene sa k.č.15/17 navedene u Rješenju Općinskog vijeća i stvarnog stanja u katastarskom operatu.

II

Ispravka čini sastavni dio rješenja i bit će objavljena u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

S E K R E T A R
OPĆINSKOG VIJEĆA

Broj: 01-31-3607
Datum, 14.06.2002.godine

Hajrudin Katardžić, dipl.pravnik, s.r.

S A D R Ź A J

I – <u>AKTI OPĆINSKOG VIJEĆA</u>	Strana
1. ODLUKA o radnom vremenu u određenim djelatnostima na području općine Zavidovići.....	151
2. ODLUKA o pristupanju izmjenama i dopunama Urbanističkog plana grada Zavidovići	154
3. ODLUKA o utvrđivanju posebnih područja	156
4. ODLUKA o zakazivanju zbora građana i raspisivanju izbora za Savjet Mjesne zajednice «Dolac»	157
5. RJEŠENJE o imenovanju članova Radnog predsjedništva za sprovođenje izbora u Mjesnoj zajednici «Dolac»	158
6. ZAKLJUČAK broj 01-31-962 od 15.5.2002.godine po zahtjevu «EMMI-7» D.O.O. Zavidovići	159
7. ZAKLJUČAK o primjeni člana 60. i 61. Poslovnika OV	160
8. RJEŠENJE OV-a broj 01-31-317 od 28.2.2002.godine o obnavljanju postupka za dodjelu neizgrađenog gradskog građevinskog zemljišta na korištenje radi građenja AHMIĆ (Nezira) HAZBI iz Zavidovića	161
9. ISPRAVKA Rješenje OV-a broj 01-31-3607 od 30.8.2001.godine o utvrđivanju trajnog prava korištenja zemljišta u korist Preduzeća GTP «KARMING» iz Zavidovića	163